

# OMUKWETU

No. 13

Registered at the GPO as a Newspaper

15c

## OVANYASHA VASENEGAL

Ngeenge taku popiwa Senegal mOngeleka yetu, o-kwa diladilwa oshilongatumo tashi longwa ko. Senegala osho epyatumo lopa-ndjokonona. Olo lwotete omudali Ehanganotumo la-Soomi ta longo mepya pamwe nomona, ELOK. Onguluve ya dala ihai lika kombwa! Ashike olyelye womovatumwa votete moshilongo shetu a li e shii ngeenge onaku ke uya oshinima sha tya ngaho? MOvawambo ovatumwa o-va longa mo eedula 13 mo-vahelelo eedula 15 opo nawa va ka mona oiimati.

Ohokwe yoshilongatumo kaya li ashike movahoveli-shilonga venya. Oya kala yo nomovanyasha voilongo inya, omolwaasho ya kala tai twikile odula keshe. Ohole i fike opo yokuliyandjela oshilonga ngeno oya xulilile movatumwa votete, ngeno ondjokonona yoshilongo shetu oi li ngahelipi nena? Umwe womovatumwa votete vomoshilongo shetu, omutumwa Hugo Hahn, okwa popile konima yeedula di dule efele ta ti; "Otape ke uya efimbo, omo ovanyasha vomOushimba novomOwambo, tava ka ongala pamwe moyoongalele yavo". "Exunganeko eli paife ola wanifwa, sha etifwa koilonga

(Tala kepanja 8)



Aanona Aasenegal yomomuhoko gwAaserere oye na ehalo lyokwiilonga. Mpoka otayi ilongo okulesha nokunyola nokuli. Eyambidhidho lyoye koshilongatumo kali shi osima, ihe oli na iiyimati. Miifo tayi ka landula oto ka kala to kundana pomathimbo nomathimbo kuSenegal.

Jesus okwe ya kaalongwa ye nokwe ya lombwele e ta ti: Ongame nda pewa epangelo alihe megulu nokombanda yevi. Indeni ano, ka ningeni aantu ayehe aalongwa yandje noku ya shashela medhina lyaHe nolyOmwana nolyOmbepo Ondjapuki, noku ya longa okudhiginina ayihe mbika nde yi mu lombwele.

Otwa taamba evaangeli lye hupitho ngaashi twe li etelwa kaatumwa notwe li uvithilwa kaavithi pamapipi nomapipi. Pamwe nalyo otwa taambithwa oshipango shika oshinene shOmukwaniilwa gwegulu nogwevi nogwe shito alihe. "Indeni nuuyuni auhe, longeni aantu ayehe ya ninge aalongwa yandje. Ya shasheleni medhina lyaKalungakataatu gumwe. Dhimbulukweni ..... ondi li pamwe nane mboka tamu longo notandi ka kala pamwe nayo, mboka taa taamba ndje keuvitho lyeni.

Otatu shi dhimbulula mutse yene, nkene Kalunga a longa iilonga linene niikumithi. Otwa minkilwa kuuyelee wevaangeli. Mokati ketu mwa penduthwa aaniilonga yi ili noyi ili, aasita, aevangeliste, aalongi, aapangi noshu tuu yalwe oyendji. Mumbaka ayehe, Omuwa nOmukwaniilwa gwegulu nevi, okwa pendutha muyo ompumbwe onene yehupitho nomolwasho ya holoka po, ya kale meyakulo lyOmuwa.

Aantu mbaka shoka ya minikilwa kevaangeli oyi idhimbulula ye na ompumbwe miinima mbi:

- ompumbwe yokwaaludhwa muuwehame woondjo nowokolutu
- ompumbwe nondjuulukwe yesilohenda, iinima ayihe oya etwa muuyulele, onkene ompumbwe yimwe ayike ya dhimbululwa oyo esilohenda nda pumbwa, opo ndi pite ndi ye mehupitho.
- omuntu okwa pumbwa ishewe emanguluko, a mangul ilwe muumbanda wokutila eso, oshoka Omuwa osho a ti: "Ngoka itaale e ta shashwa oye ota hupithwa, naangoka ini itaala ota pangulilwa mekano ....."

Moshituthi shOmisiyoni shoka sha ningilwa mumwe neyapulo lyaasita mOnguta (6 Juli 1980), aavuthi naapopithi yoshituthi oya tumbulile aapulakeni omadhiladhilo ngaka ga tsa kumwe:

Ehupitho ndyoka twe li yuulukwa kali li muunongo wom'ntu. Olyo kali shi wo oohapu dhowala, aawe. Iilonga iinene mbvoka Kalunga e yi longo maantu ye, oyo Jesus Kristus, ngoka e ya muuyuni. Jesus oye ehupitho ndyoka lya tuminwa aantu kuKalunga, ihe aantu ayehe. Nani Jesus Kristus sho ta tumbula: "Indeni nuuyuni auhe ..... ka ningeni ayehe aalongwa yandje," ita popi owala popepi natse, moongamba dhegonzalo lyetu, omapyatumo meni lyaNamibia, ihe Omuwa ote tu timu kokule muuyuni. Ote tu tumu tu yeni kuSenegal, kuAngola nopalwe mpoka ye mwene te tu ulukile.

MOmukwetu ohamu holoka omahiyo taga ithana aasita, aapangi naalongi mboka ya hala okwiigandjela meyakulo lyOmukwaniilwa mwene gwetumo. Okaku tumbulwa meukililo kutya ompumbwe oyi li kuSenegal. Ehiyo sho lye ku adha mokak lolo kuuwike woye, owa yamukula Omuwa ngiini? Nkwiyaka oku na aantu, mboka ya kwatela lwa mongundu ya tumbulwa kOmuwa gwetumo - aantu ayehe. Nayo oye na okuuva Evaangeli lyaJesus nokuningwa aalongwa. Oye na okuya mehupitho, ongo tzeni.

Ondjila yokuthika ko noyokuhokolola oshipango shOmukwaniilwa oya eguluka - ngoye mwene eliko lyoye nomagalikaneno. Tu veni ko ano, tse tu ya lombweleni Jesus Kristus oye ehupitho ndyoka lya tuminwa aantu ayehe kuKalunga komwenyo gwaa luhe nokaayehe, yokooha nocha dhuuyuni.

279

283

Pwa taambwa etseyitho lya zi kepangelo, kutya aayakulingeleka aapopi yOshisoomi mboka ya li ya tegelele omayamukulo komaindilo gawo goopermeta ethimbo ele, oya pewa ngaashingeyi nonando yamwe inaa pewa, ngaashi ya indile. Kaija Pentti ngoka a li a pewa omasiku omashona, opo a thige po oshilongo pehulilo lyaJuni, konima yoonkundathana okwa pewa ezimino lyokukala ethimbo alihe.

280

Aayakulingeleka mboka ya li kefudho muSoomi noya li ya indile ezimino kepangelo ya galukile keyakulo lya ELOK, ngaashi ya ithanwa kEpangelongeleka ya galuke, yatatu yomuyo mboka ya ziminwa ya galuke oyo: Toini Juvonen, Kalle narja Seppanen.

Neyeme pwa taambwa wo etseyitho kutya Jääskeläinen, omundohotola gwaakiintu, nomukulukadhi gwe omundohotola gwomayego, osho wo Mikko Karhumäki, omunamashina, nomukulukadhi gwe omundohotola guanamiti, inaa pewa ezimino lyokugaluka, osho wo feelani Salme Manninen. Epangelongeleka otali tsikile natango oonkundathana nepangelo moshinima shika.

Omulongi Immanuel Hatutale, ngoka kwa li ti ilongo kuAmerika nokwa mana eilongo lye lyonkatu M. A., sho inaapa monika ompito yokutsikila komeho, Epangelongeleka otali mu ithana a gulukile keyakulo lya ELOK.

288

Epangelongeleka lya tseyithilwa onkundana yoluhodhi, kutya aasitagongalo Matti Endjala, EENGOLO, naLudwig Ausiku, NKARAPAMWE / RUNDU, oya kwatwa kepangelo noye li mondholongo. Omagongalo otaga dhimbuluthwa, ngaashi wo oitaali ayehe ya kuge onkugo kuKalunga, opo a loteke onkalo ndjika oshigwana nongeleka yi li mo, tse tu pewe ombili.

301

Omusitagongalo Kristof Shuuya, ngoka a li ta yakula, pakathimbo, mombelewa yehangano lyoongeleka muNamibia, Epangelongeleka lye mu langete omusitamuwiliki megonngalo ELIM pamwe noshilonga she shUudiakoni mongeleka ayihe. Okwa uthwa a ta meke eti 1 Juli 1980.

1

Omukumithi Mukulili gwandje Hangaaka onda li ndi mu shi Nyenyanyu neimbilo lyandje Te tanga Omumangululi

Koor: Kehe ngoka u ye,  
Kehe ngoka uye  
Omukulili gwandje u mu tseye  
Nomanene-yambeko ge.

2

Nge Satana a hala aluhe,  
Omwigo kungame.  
Ongoka, ha kondjo ndaa puke  
Oku li pombanda ompee.

Koor: Kehe ngoka u ye,  
Kehe ngoka uye  
Omukulili gwandje u mu tseye  
Nomanene-yambeko ge.

Otango e hole ndje oye.  
Ombepo nomwenyo tii mu pe  
Miikumitha yOmuwa ayihe  
Shinene e hole ndje

Koor: Kehe ngoka u ye,  
L.A.Max

## "Kulupeni nomesho"

Omafiku a pita Omukwetu okwa yakulile ekutu liwa, la pama lo oli yadi nawa. Olashihe sho mbela, nola dile veni? Handiva ndi ku lombwele u tale!

Tate nameme Veikko Hasheela, kEndola ova dhimbulukwa kutya neudo ove liudanekela okukwafa oshilonga shOmukwetu, onghee va tumina Omukwetu ekutu li li ngaha pamwe nokatumbulo kaxupi, ndele taka ti shihapu:

"R50 - Omukwetu na twikile oshilonga shaye shokuta: davel'fa Evaangeli."

OvakwaHasheela nye, Omukwetu okwa pandula nde 'a ti: "Kulupeni nomesho, mayoo hinga ngoo ....."

Ofamili ei oya weda pwaasho kwa li yo sha tumbulwa kOmukwetu, eshi kaume kaye e mu pa omaano okakola kaku kwata omawi. Iyaloo, ovaholike nye!

OMUKWETU

## A LONDO A YI MEGULU, IHE OKU LI PUTSE

Aalongwa oye na okutsikila oshilonga shaKristus kombanda yevi. Manga Kristus inaa londa, a ye megulu, okwa pe aalongwa ye euva-neko, kutya otaa ka pewa oonkondo ndhika tadhi zi pombanda kuKalunga notadhi ya kwatha miilonga. Oya ka pewa Ombepo Ondjapuki. Ombepo Ondjapuki okwe ya longitha iinyengandunge oyindji. Tala ilonga yawo membo lyiilonga yaayapostoli.

Mpaka Lukas ita popi oshindji kombinga yelondo lya-Jesus ta yi megulu. Otu na omahala mOmbimbeli taga hokolola kutya Kalunga okwa kala handiyaka yiikogo, mookathele, ngaashi Elia sho a londo metemba lyomulilo, oku uka mombanda. Edhiladhilo lya simana kali li mokulonda, sho ta yi mombanda, nenge mokuthigapo aalongwa ye nota ka galuka ishewe, aawe.

Aalongwa sho ya pewa Ombepo Ondjapuki, oyu uvu ko ihe kutya, nani Jesus Kristus okwa ninga omukwaniilwa e na oonkondo nepangelo lyu udhitha egulu nevi, (eshito alihe). Okwa tiwa okwa londo e ta kuu-tumba kolulyo lwaKalunga, iitya mbika itayi ulike ando ehala lyokolulyo lwaKalunga, ihe otayi ti owala Jesus okwa simanekwa kuHe. Okuza pelondo lye, Jesus Kristus okwa yi muukwatya mboka ta vulu okukala apehe. Ita kala owala muPalestina ihe oku li wo nena mu-Namibia. "Ihe ngame otandi kala pamwe nane omasiku agehe sigo ehulilo lyuuyuni." Oshinenenima osho shika: Jesus oku li pamwe natse.

Osho shili kutya Jesus omuyumudhwa oku li molutu tuu ndoka a li he ende nalwo, manga inaa sa. Ihe meyumuko okwa zi mo nolutu talu vulu okukala apehe nokupita momakuma nomomiyelo dha patwa. Lukas sho ta ti Jesus okwa kana po, osha hala okutya, okwe ya kana mokumonika nomeho gokomutse, ihe opo e li nopo ta kala paantu ye sigo omesiku lyahugunina.

Okulonda kwaKristus okwo okuya mekwatathano naHe. Sho i idhidhimike sigo ome-so lyondhino komushigakano. Kalunga okwe mu lenge, tashi ti okwa yi mesimano lyaHe. Ngashingeyi ota kala apehe, ngaashi He e li apehepehe. Ps.139:8. Kalunga ke li owala megulu, ihe oku li apehe nomoondunda dhetu omo eli. Nomuusiku ngele tatu longo sha shomeholamo, Kalunga oku tu wete. Kalunga oha tseyaashihe tatu shi ningi naashihe shi li moontulo dhetu.

Kalunga iha holekwa nando osha, aantu ayeke haa holamwa. Oondjo inaadhi hempululwa oku dhi wete. Kalunga He, Kalunga Omwana, Kalunga Ombepo Ondjapuki, itatu vulu oku mu holama. liholekwa yetu ayihe oku yi shi. Kristus sho a londa a ya megulu, nena ota vulu okukala apehe. Nguka e li apehe ota vulu oku ku kwatha momaudhigu goye agehe.

Onkee ano nyanyukwa, oshoka Kristus ota kala paantu ye megalikano nomelangelokalunga. Ano ngoka a kuluka, oye tuu a londo a yi megulu, opo a udhithewangandjo alihe nokukala po kwe." Ef.4:10.

Ngashingeyi ota pe ooitaali ye omagano ogendji note ya galikanene. Okwa hala wu mu patululile omutima gwoye gwa patwa kuulunde.

Elondo lyaJesus inali eta owala uukumwe pokati ke naHe, ihe nopokati wo ke nooitaali. Jesus omuyumudhwa kuusi nokwa londa a ya megulu, oku na ekwatathano naalongwa nenge nooitaali ye ekumithi. Ekwatathano ndika otali etitha po oshindji metumo lyOngeleka kombanda yevi. Uuna Kristus ta longitha nenge ta longo mongeleka ye. Shila tse nena otu na kutya, ekwatathano naKristus otatu li mono ngiini. Aalongwa oya tsu oongolo e taye li mono megalikano, onkee oya nyanyukwa, sho ya dhimbulula kutya Jesus oku li puyo.

Otali monika ishewe moohapu dhe, uuna tatu dhi lesa noku dhi dhiginina, nena ota kala mokati ketu. Ota ti: "Ngele tamu kala moohapu dhandje otamu ka tseya oshili, noshili otayi mu mangulula."

Eino Amaambo

## Aakwankala otaa longwa okulesha melaka lyawo

Oshigongi shAakwankala shoka sha li sha gongala okuza eti 23/6/80, poongulu dhaayenda mOniipa, popepilela nOkefe onkulu, oshi na sha noshilongatumo

Okwa li ya ningi pamwe oshigongi, opo yi ilonge oondanda dhOshikwankala, mewiliko lyafeelani Terttu Heikkinen ngoka e li omutumwa Omusoomi omutseyi gwomalaka, nolyAakwankala, noye omunyoli gwomambo melaka ndyoka, nosho wo melundululo lyOmbibeli.

Oshigongi okwa li sha thikama maalongwa 18, ya za muuzilo wOndonga, Onankali, Omuthiyagwiipundi, Onyuulaye nOmutsegwonime.

Aawiliki oya li 8, Omudiakoni Sakaria Ambunda, aalongi Suoma Andreas naKirsti Shipanga, oyokOnyuulaye. Magano Amukeshe, omulongi-omunashiongatamo mu ELOK. Hileni Ingula, omutonateli, Elina Sakeus omunashilongatamo, ayehe oyokOnankali.

KOmutsegwonime okwa zile; Magano Malakia omulongi ngoka ha longo oskola hwiya-ka, ye oku li woo omunashilongatamo.

Omuhiyi gwoshigongi oye, Omusamane Reijo Kaarto, ngoka e li amushanga gwoshilongatamo mu ELOK, nokwa kala mOnandjokwe.

Oshigongi okwa li sha kala sigo eti 3/7/80, nosha adha elalakano lyasho.

S.Alweendo

## A YI KEVULULUKO

Kuku Aktofel Shikomba, omulongi gwaalongi oyendji, Omuwa okwe mu ithana ke-vululuko lyaaluhe muFebuluali 1980.

Oye okwa li a piti moseminali 1920. Okwa longo oomvula 2 plikokola nambali kOniipa nohugunina okwa yi ihe kOnayena, nkoka a longo oomvula 50.

Kuku Shikomba okwa li omulongi nomuptudhilela omudhiginini, ependa, kuume kaayehe, megumbo nenge kenongelo.

Pethimbo lyokutembudhwa kwe muuyuni mbuka, okwa adhika tali oshikwiila sho muukulupe.

Kaakwanezimo, aalongwa ye nokoonakuthigwapo ayehe, kundweni koohapu dhOmuwa 1 Tes.4:13-18.



## OONKUNDATHANA

### DHUUKUMWE

### WAAKWALUTHER

### MUPAPUA NEW GUINEA

Aawilikingeleka yOngeleka Onkwaevangeli paLuther mPapua New Guinea (ELC) noyongeleka onkwawo Gunius Lutheran Church Papua New Guinea (GLC) otaa kundathana omikalo dhokuhumitha ko longelckumwe pokati koongeleka ndhoka mbali oonene onkwaluther mevi ndiyaka.

Oongeleka odha ziminathana okulonga kumwe nokulongekidha Okambongeleka ka nwe, opo ka vule okulongithwa kaaevangeliste. Oongeleka ndhika odha pula wo omapangelongeleka gadho ga hogolole lyo yokomitiye yokulongekidha nkene uukumwe woongeleka onkwaluther tau tungwa nokene taku thikwa kOngeleka yimwe Onkwaluther yomuPapua New Guinea.

Oongeleka ELC oyi na iilyo 550 000, manga ndjiyaka GLC yi na iilyo 55 000, naadhihe mbali iilyo mOngongahangano yAakwaluther. (LWI)

## ORAATA YOONGELEKA MUNAMIBIA (CCN) OSHISHIKE ANO?

Moshigongi shaayeha shOraata yoongeleka muNamibia shoka sha gongalele muMaalitsa 15-17, 1980 mOvenduka, osha hogololulula omumbisofi James Hamupanda Kauluma oye a kale natango omupresidende gwOraata ndjoka uule womimvo mbali. Omupeha gwe oye omuwlikingeleka gwa ELK omusita Hendrik Frederik omupeha gwopevi omudhiginini niwe Carl Scholz gwongeleka yAandowishi, DELK

Omukwetu mokutsakaneka omumbisofi J.H.Kauluma, okwe mu pula nkene ta tala oshilonga shOraata ndjika, ehumokomeho lya ningwa po, iika' ya li mondjila nonkene tayi tsikile ilonga methimbo lyomaupyakadhi gopapolotika.

Omukwetu: Omumbisofi J.Kauluma sho wa hogololululwa omupresidende gwOraata ndjino owa tala kutya oya aoha shike miilonga okuza uuna ya totwa po, nomaupyakadhi gashike ga yi iilonga yayo moshipala?

Omupresidende: Molwaashoka ka kwa li manga iikandjolonga iipe yOraata yoongeleka ya totwa po okuza uuna Oraata ya dhikwa, ethikilo lyayo tali vulu owala okuyalulilwa moprogramā dha adhika po n lha thigululwa koChristian Centre tadhi tsikilwa natango miilonga. Mewiliko lyOraata ndjika ooprograma odha kokekwa nawa nodho:



Oraata yoongeleka muNamibia ohayi ithana aapukululilongi pomathimbo nomathimbo kOverduka, opo ya ka kale mootindi nokwiilonga oohedhi dhokuvitha ko yalwe Oshiingilisa. Oproyeka ndjika yelaka lyOshiingilisa otayi humu komeho nawa. Ota-ku tiwa ngashingeyi otayi yakula aalongwa 400 lwaapo.


Oproyeka yElaka lyOshiingilisa, nOshikandjo shEpendulopo nEputudho lyaantu.

Nonando Oraata ndjika ya vulu okutsikila niilonga okuza kedhiko lyayo, onkene tuu okwa kala iikati oyindji mondjila yayo, ngaashi okwaakalapo kwaAmushanga omukuluntu gwOraata ndjika, omusamane Maasdorp ngoka opo a tsakanitha ngashingeyi olufo we mOngcngahangano yAakwalu-ther muGeneva, notwa tegame-na a ka tameke oshilonga she muJuli.

Etidhopo lyaanambelewa yamwe mombelewa ndjino, unene lyJustine Ellis nosho Kelvin Sole, mbono ya tidhwa po kuNgoloneyandjayi nalyo olya li endangalati ewinayi mondjila yiilonga yOraata ndjika. Cmuntu oto vulu wo okutumoula kutya, nando pe na omahindo inaaga pumbiwa ga tya ngeyi tagi idhopo miilonga yOraata, oyo oyi na okukala po, oshoka oyi na oshinakugwanithwa oshinene shokuyakula oongeleka naantu ayehe yomevi ndika muumbwalangandja walyo.

Omuk: Oraata ndjino yoongeleka otayi ka kutha omuthika gwa tya ngiini gwopapolotika mekwatathano nemanguluko lyaNamibia?

Omupres: Nonando omuntu to vulu okwiitaala kutya aantu yomevi ndino, mboka oyendji yomuyo ye lilwe po mOraata ndjika, otaa lelwa paupolotika pashilongo nopaliko noye na



Omulongi ota fatululile aulongwa omikalo ndhoka y' na okulongitha mokudheula yakwawo melaka lyOshiingilisa

ngaa ompito dhokuholola omadhiladhilo gawo kombinga yomukalo ngono taa tekulwa nago, Oraata yoongeleka nayi ihalela nando omuthika gwasha qwopaupolotika. Ihe ekankameno lyayo oli na omidhi meitaalo lyoongeleka nolyeuvitho lyEvaangeli lyOmuwa gwetu Jesus Kristus, ndyoka tali popi uuyuki nombili, emanguluko lyopantu nuugumwe waantu ayehe, ngaashi aana yaKalunga noitaaku talwa olwaala, eitaalo nenge uukwamuhoko. Ano okomukanka tuu nguka, shala lyOraata ngaashi lya uhwā mEkotampango lyayo nommafatululo gayo otali kala, noli li ngaashi li li, mokulalakanena ombili neuvathano mevi lyetu, nokutya etulomiilonga lyetholombwelo lyligwanahangano (UN 435) ndyoka tali popile ehogololo lyaayeha lya mangu-luka nolyopauyuki notali tonatelwa kligwanahangano. Oraata yoongeleka oyi inekela kutya etsakanitho lyomathaneko ngoka otali ka etela Aanamibia ayehe ompito yokuhogolola epangelo lyopahalo lyawo yene, ndyoka like tali ka kala li li pomut'ika gwokutaambwa ko kiigwana ayihe yomuuyuni. Shika osho twi itaala kutya ondjila yokuhulitha po ewegathano nelelo ndyoka tali thindilwa maantu oyendji yeve ndika omimvo odhindji pwaahē shi kehalo lyawo yene.

Omuk: Oraata oya gandjele efatululo pokuya kwomusamane Pram Chand kuNamibia, tali pula SA a zimine omathaneko glilongo yokuuninginino. Oonkundathana sho dha za mo ngashingeyi, ngoye omadhiladhilo goye ogeni?

Omupres: Omuthika gwOraata yoongeleka ngaashi gwa ulikwa wo momafatululo gomontanaho, ogu li ngaashi gu li notwi inekela kutya epangelo lyaSouth Africa otali ka yamukula molupe lwezimino kopulanda yligwanahangano, opo ku huli-thwe po iita, nopu tungwe ombili nuuyuki mokati kaantu mevi lyetu.

Meuvathano nomelongeloku-mwe niilyo yayo, mokukwatha omuntu aguhe, Oraata ndjika otayi tsikile okwaambidhidha nokupopila mboka ya hepekwa kiita nokonkalo yayo. Shika otashi ningwa kekwaatho lyoshiketha shoka sha nuninwa iilo-



Omulongi gwokersesa yOshiingilisa ota tala nakupukuluwa, ngele okwa nyola tuu nawa shono e shi ulukilwa koshipe-lende.

Oraata yoongeleka muNamibia ohayi futile wo aailongi yomuthika gwoUniveesiti, mboka haa ilongo mopoosa, shoka ompito yokukala miipundi kaye yi na. Ohayi gandja wo ekwatho kaakwashigwana moku ya putudhila uulinawa, elongo lyiikunino yihape, eopaleki lyomeya niinima yilwe yopaunongononi. Oproyeka dholudhi nduka odha tamekwa unene kombinga yuumbugantu waNamibia.

nga mbyoka "humanitarian and diaconical aid fund". Oraata yoongeleka otayi tsikile mombinga yokuhanganitha aantu yeve lyetu mboka ya topagulwa nokutaandelitha etumwalaka lyoshilongo shaKalunga mokati kawo.

Huginina moshinima shuuthe-mba womuntu, emanguluko nuukumwe, ngaashi sha hololwa nomuthindo mEvaangeli lyOmuwa Jesus Kristus, Oraata ndjika otayi lalakanā sigo mbi-ka tayi tsakanithwa. Itaku shunwa nando ompadhi monima sigo aantu yeve ndika ya taambathana kutya koshipala shaKalunga noshoveta oye thike pamwe noye li aana yaKalunga.



Mefano ndika oto mono osheendo shomumbisofi kuOranjemud - tala ehokololo mOmukwetu No 11-Okuza kolumoho: omumbisofi K. Dumeni, A. Hasheela, amushanga gwomumbisofi, omukwanepangelongeleka S. Elago, meme Aino Dumeni, omusamane ngoka a li omululukili gwawo nomumbisofi L. Auala. Pokati kongundu yokolulyo noyokolumoho ope na omusita Stefanus Mvula, ngoka ta longo mokati kiilyo yongeleka mu CDM.

Ehangano lya CDM olya li lya simanekwa omasiku ga zi ko komumbisofi gwa ELOK, tate Kleopas Dumeni, molwokuputudhila aaniilonga yalyo uunongo taye u pumbwa mokulonga iilonga yawo nawa nomokukala kwawo kwokomeho.

Oshifo shehangano lya CDM she dhina "Weekly Bulletin", mookundathana dhasho nomumbisofi Dumeni pehulilo lyetalelopo lyawo, Dumeni okwa ti kutya CDM ita topolele ashike aaniilonga ye oowino, ihe shika ote shi ningile wo oshigwana.

Dumeni okwa tsikile ta ti kutya omalunduluko ogendji oga ningwa mu CDM, "aantu yetu Aaluudhe otaa yalula, oya pyokoka nawanawa, noye li aanamashina momina".

Etalelopo ndika olya koleke edhiladhilo lye, shi na sha nompumbwe yelongo. "Shika oshu ulukile ndje kutya ngele otwa mono elongo lya gwana, nena otatu vulu okulonga iilonga yetu nawa, ngaashi aantu ooyakwetu muuyuni haye shi ningi, osho a tsikile.

Okwa ti wo kutya osho oshiwana-wawalela okutala ehangano tali gandja oompito okudheulila aantu yalyo iilonga yomaunongo gi

ili nogi ili. Okwe shi tala ko wo kutya otashi tsu omuntu omukumo okutala ehala nohokwe yi li maantu yokwiilonga.

Aambisofi ayehe, Dumeni nosho wo Auala ngono ya li ya talelepo naye OLANGE, "oye shi ulike kutya Aaluudhe otaa ilongo mpeyaka, notaa humu nawa komeha, notaa vulu okulala aaloringithi yomashina gopashinanena"

Omumbisofi Dumeni okwe shi holola mo wo kutya oye shi nawa iilonga yawo, ngele taa yalula nenge taa longo mookombitha. Kashi na mbudhi kutya otaa longo pompito yini, otashi monikila shaampoka. Onkene omumbisofi Dumeni okwe shi tala ko kutya ehangano mokuniigila nomokutopolela aaniilonga yalyo oompito dha tya ngeyi, inali iningila ashike lyo lyene, ihe oye shi ningile wo oshigwana ashihe.

Shino omumbisofi Dumeni okwe shi koleke wo kutya "Edheulo olindji miilonga, nelongo lyo lyenelyene oshinima sha punbiwanoonkondo".

Dumeni okwa ti wo kutya elunduluko enene otali monika moosikola. "Otu na ngashiageyi aanona taa longelwa mumwe".

Omumbisofi Dumeni okwe shi tala wo kutya omukalo gwokwiilonga komeho otagu kala gu li nawa, oshoka aalongwa otaa ilongo, noshinima otaye shi ningi nokuli pethimbo ndyoka.

Kombinga yesiloshimpwiyu lyaaniilonga, okwa li a nyanyukwa noonkondo okutala omagumbo gaaniilonga mboka ya hokana. Oshunima shino osho shi nwe shomiinima mbyono ELOK a kala ta pula okuza nale. Ine shi pula ashike CDM, ihe oonina adhihe moshilongo, dha pulwa ihi opalekele aaniilonga yacho omahala.

Dumeni okwa thaneke wo kutya oshiwana ngele ohostela rehe tayi kala nokapangelogona (clinic), nosho wo moshipangelo andola mu yakulwe wo kaapanngi Aaluudhe.

Aambisofi oya li ya gandja omapandulo gawo ku CDM. Oya li yu ulike elongelokumwe ewanawa pokati kongeleka nehanganonyoka, nelongelokumwe ndyoka oyo lya pupaleke oshinima, opo Ongeleka yi tume "Aawiliki yopambepo", ya lange mokati kaaniilonga mu CDM.

Aambisofi oya pandula wo elongelokumwe maantu mboka ye li moohostela adhihe.

1  
Ote shimbike nOshamba  
Kopeleka yaShapapa  
Opo mpo nda putukile  
Lwopuuyugo waTambo  
puKaloli kaNepando  
ndi pite mo mOmadhiya  
Mekwiyu lyaMushilombe  
moka mwa kala aalouhi.

2  
Taku landula Onandomba  
Ishewe wo Onamulunga  
nOmapalala kombinga  
ge li lwokuushimba-ntu  
kutya lwokOshikashika  
Ndaa dhimbwe ko Oshilulu  
shokekunda lyaMumbundu  
gwomakutsi ka lila sa.

3  
Osho ndi li moKantyoole  
kendombo lya fa omulunga  
lwokeputa lyaNahango  
Pombala yopOnambango  
nda shiga kuArabia  
Kakwiyu kaAshimbamba  
Ku na Oshitayi nOndangwa  
ndi thike mo moshilando.

4  
Tandi lapa ko Okatale  
kaAmweenye Awene  
nootate Mupetami  
NaAshoolo shaNdhikwa  
Kuku Sisi yaMuposi  
Kilio wo kaNampweya  
nguka oye mumatuli  
Gwiigandhi yaKambonde

5  
Handi udhike Olukonda  
lu thike pamwe nEngela  
Lwa fa lu vule Ongandjera,  
sha kamba ko Ompangela  
Nomukunda gwaKashimba  
gwanakusa Munakapa  
Kokalonga kaNepaya  
Nkoshi ya lile Omumbwela.

6  
Oshike shi li mOwambo  
Nenge tuu mOshigambo  
Shi li lwopOnamungundo  
Shi vule ando Olukonda  
Shi vule po moshilundo  
nando kape na lukanda  
Lu na omayevi omugoyi  
Nenge na limwe omulongo.

Zen Asseli Munakapa

**Ikolitha otayi fala  
meshunduko**

Kaagundjuka ooyakwetu noko-shigwana ashihe, akwetu natu etheni iikolitha, oshoka otayi tu fala meshunduko, miiponga nomekanano.

Ondi inekela opu na aantu oye-ndji koombinga noombinga ya koneka oshiponga shiikoltha, ngaashi naanaa ngame mwene nde shi koneke, e tandi yi otha. Onawa koshigwana oshiholike tu etheni iinima ya tya ngaaka.

J.P.Nghitombo

otatu wu hulitha mo ngiini?

Dumeni okwa za nale

Onda kala ndi na epulo li li ngaaka naanaa ngaashi li li pombanda, ihe onda nyengwa okumona eyamukulo. Oshigwana shaNamibia oshi itula mokunwa unene. Aanasikola itaa piti we nawa, oshoka ethimbo lyokwiilonga otaye li longitha mokunwa. Omulongi, ethimbo ndyoka oto ke li pulwa!

Aalongisikola, aanambelewa nosho tuu ayehe yalwe pehala lyokukwatha oshigwana noku shi humitha komeho, otaa nu e taa kolwa. Aamwameme aalongi yomUushimba ohaa ziko owala nande yo ohaa longo. Meme kegumbo ote ya a dhipage oshingulu, opo omumati gwe a ka fendele: limaliwa oha kwata ngaa R100-00 komwedhi, ihe okwe yi tula momikonyo, muupapi nomapunyapunya. Ootate noomeme aanona ihaa silwa we oshimpwiyu, okutya okuya pakela po nenge oku ya pa omizalo dho dhene, ethimbo lyokuteleka kali po. Meme ota yi manga a kanwe mo limwe aniwa. Sho taa ke galuka, oondjuhwa ota dhi igi, yo ontaku megumbo kayi mo.

Oomeme yamwe sho e na okandunda ke li puuyanda, megumbo ihamu dhungwa we oshikundu, aanona otaa ka nwa kokefe. Meme wa tya ngeyi oto yono po oshigwana shokomeho. Tate aanona ye otaa si onkayi, ino tya limaliwa kee na yokulanda, oku na, ihe ina hala limaliwa ye yokunwa yi pwe po. Omagumbo oga gwa, (ga hohoka) kage na aahoholi, oshoka ethimbo lyoku teta iiti kali po.

Aakuluntu yetu aaholike naasimanekwa, shika kashi shi ondhino ando nde mu dhina, ihe otandi popi oshili, nonda hala uuwanawa mune. Tse aagundjuka otwe shi tseyu tuu kutya aakuluntu yetu otaa ti tse omasipa guulumbu okutse taa egamene? Ano otse oshigwana shokomeho. Ye omukulugwonale okwa tile, kuu na omutanda ku na ngombe, kuu na mpagona ku na lilya.

Walye wo kutya oshigwana otashi ka kala sha tya ngilini, ngele nani aagundjuka oya tewa po kiikolitha? Ngele omugundjuka okwi itula mokunwa omuntu tuu? Ota sindana tuu muugundjuka we? Owa tseyu tuu kutya uunkolwe owo yina yuwinayi auhe? Owa tseyu tuu kutya onkolwe moshilongo shaKalunga ke na mo eha?



Ofamili yaDumeni nomumbisofi L. Auala efano ndika olya thanekelwa kuOranjemund.

Okukalamwenyo kwomumbisofi Leonard Auala ngoka e li mevululuko, nonakuziwa yofamili yomumbisofi Dumeni, inaku tsakana ashike miilonga yopambe-po, ihe okwa za nale.

He yomumbisofi Dumeni, omusamane Paulus Dumeni, oya longele pamwe naLeonard Auala ku CDM pomimvo 1926-1927. Oongulohi konima yiilonga yesiku, oya li haa longekidhile aanii-

Aagundjuka ngashingeyi otwa ninga ligundjuka omoluunkolwe. Owa tseyu ngaa iikolitha kutya otayi gandja uuvu? Kehe shoka oshiwiniyi ohashi etwa kiikolitha. Uunkolwe muNamibia ota tu wu hulitha mo ngiini? Omuntu wu tye ngeno wu hanagule po oondingosho muNamibia, ku na oonkondo nuuthemba oku shi ninga. Wu tye wu keelele aadhungi yomakende kaaya dhunge we nenge gaa ye mo we muNamibia otashi ku nyenge. Ota tu ningi ano ngiini?

Oohapu dhaKalunga otadhi ti: Ayihe otatu yi vulu, ngele ohatu galikana. Aamwameme muKristus, tu galikaneni twa mana mo oshigwana shetu shi manguluke koomango dhuunkolwe.

Omumwanyoko M. Ampweya

longa ooyakwawo iigongi yokugalikana. Shika oye shi ningi nando inaa yapulilwa uusitagongalo, nokasha li wo oshipu oku ka ninga aasita.

Oya li ya wilike oosikola dhomashasho nodhomakoleko. Omumbisofi Auala okwa ti shika inaye shi ninga andola sho ya pulwa kongeleka, ihe osho yi indilwa kookuume kawo mboka taa longo nayo.

Momvula 1931, omumbisofi Auala sho a thigi po CDM, okwa ningi omulongisikola. Mokati kookuume ke, Paulus Dumeni, kuume ke omukulu, naye a ka ninga omulongisikola.

Omumbisofi Auala sho a longo oomvula dhontumba, okwa ulikwa a ka longe osikola yuulongi. Mosikola yuulongi gumwe gwomaalongwa ye okwa li omumati gwakuume ke Paulus Dumeni, oye omumbisofi gwongashingeyi, Kleopas Dumeni.

Omumbisofi Auala okwa thigi po uulongi, nokwa yapulilwa uusitagongalo 1942. Kleopas Dumeni a ningi wo omulongisikola 1954. Naasho a longo oomvula dhimwe, okwiilongo uuteologi nokwa ningi omusita.

Omumbisofi Leonard Auala okwa hogololwa a ninge omuwilingeleka momumvo 1960. Epangelongeleka olya utha Kleopas Dumeni a ninge amushanga gwe. Konima yiilonga yuuhamushanga, Dumeni okwa ningi omusita gwaagundjuka mongeleka ayihe.

Muukuluntu womimvo 65, momumvo 1973, omumbisofi Auala okwa li e wete kutya oyo ethimbo lye lyokuza miilonga yewiliko. Ihe oshigongingeleka oshemu indile a tsikile.

Pompito ndjika natango tuu Auala okwa kala mekwatathano nofamali yaDumeni, oshoka oshigongingeleka osha hogolola Kleopas Dumeni omuna gwakuume ke oye a ninge omukwathi gwomumbisofi.

Auala sho a zi miilonga, okwa landulwa komusita Dumeni, ngoka pahistoli lyongeleka a ningi omumbisofi omutiyali gwa ELOK. Ekwatatano pokati komumbisofi Auala nofamali yaDumeni olya kala uule woo nvula 53.

Omumbisofi Dumeni sho a pulwa kutya ote shi tala ko ngiini kombinga yekwatathano zieleleka pokati ke nomumbisofi Auala, okwa ti kutya okwa nyanyukwa sho Auala nahe ya longo pamwe, nokwa nyanyukwa wo sho ye naAuala ye li pamwe.

Dumeni okwa ti onawa Auala sho e li po natango opo e mu pule omayeke miilonga. Ano itashi ti kutya sho omumbisofi Auala a hulitha po iilonga, ekwatathano olya hulu ngaaka.

CDM-Weekly Bulletin 30.5.80

A HULITHA EMATUKO

Omusamane David Angula (Kambele) gwomomukunda Oneumba, megongalo lyokOshigambo, okwa mana oondjenda dhe eti 23/6/80.

Omusamane Kambele, oye a li gumwe gwomaatungi yotango yongulu dhOnandjokwe nOniipa. Oye kwa li omulumentu omunambili, e hole oohapu dha Kalunga.

Nakusa okwa li e na oomvula tadhi tengenekwa 80, lwaampo ka. Okwa thigi ko omukulukadhi gwe, noyana ye li yahetatu

Efumviko olya ningilwa poongulu dhoskola pOnathingeyokOlundume eti 25/6/80. Komuselekadhi noyana nosho wo kwanezimo, otandi mu kundu noohapu ndhi: "Dhimbulukwa omushiti gwoye omuugundjuka woye, u kale u na omukumo muukulupe woye". Omuvivithi 12:1-8.

Peha lyoyana Simmy Alweendo.

## Ova shangela nge tava ti ...

Josefina E. Nangolo

Tse aakiintu mu ELOK otwa ningilwa iinima iinene kOmuwa, nomakana gu udha ondigolo otatu ti ashike:

Kalunga osho ha ningi sho, Jehova osho ha longo shoka Nampongo e shi ku indilwa Pamba e shi kuhelwa. Omuwa gwetu e shi pondola,

Mwaanawa gwetu e shi fululi ko Nomunyuni wonale otwe mu kundana

Osho a kala ha ningi sho.

Nopamauvaneko ge, Onkene ngaa ta tsikile Ebandulo ne li pewe, Oshoka okwe li ilongela shili.

Oomeme, otamu dhimbulukwa konima yomimvo dhimwe sho twa li twa kwatwa kondjuulukwe tu kale tu na Ehangano lye-tu, ondi inekela yamwe yomune oyendji omwa li tamu dhenge oongodhi kOmbelwa yaMwene gwaayihe pombanda momagalikano, opo a yamukule omapulo geni.

Omwa dhimbulula wo okathimbo okashona kowala hoka eindilo lyeni lya kala lya pungulwa mombalukutu ya kola ihaamu ziya sha.

Nethimbo sho lya thiki pahalo lyOmuwa, sho a pweya mo eindilo lyeni lyEhangano mombalukutu ye, tala kiikumitha taa, nOmbelwa yalyo ine yi thiga mo, omo yi li nale mOngwediva yetu muka. Ombelwa yaakiintu mu ELOK ya simana, ya ndjanga, ya fa ooyene yayo.

Omuwiliki otu mu na nale naamushanga mOmbelwa omo e li nale ta longo. Ayehe muupenda oya faathana. Kalunga na tale nkee te ya kwatha.

Ootate ngele oye ende mo olyo esiku taa tungu yawo, tse otwa ti kuyo: Nale mu tu adha ngaa.

Oomeme dhimbulukweni omatumbulo gOmuwa gwetu: "Oshiyapuki inamu shi pa oombwa" tsikila nomagalikano nomagalikano, oshoka ethimbo edhigu. Hakana ethimbo lyoye pamwe olyo efupi nokuli opo u adhike wa ninga po sha tashi hambelelitha Kalunga pethimbo lyoye nuuna waahe po we.

Oomeme kandi na iitya ebandulonkumwe olya mana po ayihe, shila otandi ti ashike:

Pamba na hambelelwe, Jehova ka tweetha ku mu ligo-lela

Kalunga ketu na simane, mwaanawa gwetu na tumbale.

Oshoka tse aakiintu atuhe naango gwesiku limwe mOngeleka yetu, Omuwa okwe tu ningila iinima iinene, edhina lye olyo eyapuki. Omwenyo gwandje hambelela Omuwa ngoye ino dhimbwa uuwanawa washa e wu ku ningila.

## ZIMBABWE TA TEYA EKWATAFANO NASOUTH AFRICA

Onghundana ya dja muSalisbury pomafiku aa otai ti omushamane Robert Mugabe okwa koleka nokutya Zimbabwe ota ka teya po ekwatafano laye lopapangelo naSouth Africa.

"Otwa popya nomukalelipo wavo momafiku aa nonde mu shivvifla kutya nava longele okeleketi yavo va shune," osho omushamane Mugabe a lombwela ovashangi voifo.

MuFreetown pefimbo lomutumba moshongafele shEhangano lOukumwe waAfrica, omushamane Mugabe okwa tonga kutya ombelwa yovakalelipo vaSouth Africa muSalisbury, oya idilwa po efiku eti 27 Juni, shaashi Zimbabwe ina hala vali ekwatafano lopapangelo nedu lopoushiinda olo tali pangelwa koindele.

Omushamane Mugabe okwa ti ombelwa ei oya kala tali kutu ovanhu okukondjifa oshilongo shaye osho opo sha mono emanguluko lasho.

Lwaxuuninwa moshivike tu osho okwa tumbula ta ti kutya inapa tulwa natango efiku lokweedila po ombelwa yovakalelipo vaSouth Africa muZimbabwe. Epangelo laye ola teeleda enyamukulo lepangelo laSouth Africa.

Omuministeli wotete waZimbabwe okwa tya ovalumenhu vomayovi onhumba otava deu-lwa muTransvaal oku ka kondja muNamibia, Angola naMozambique.

Oshinima eshi shokulongekida ovanhu, opo va ka kondjife oilongo oyo ya tumbulwa metetekelo, South Africa okwe shi likala okadaadaa, nde ta ti kashi fi omulandu waye okulidopa moanima yollongo yovanhu.

## AAKWALUTHER YA PANDULILWA

### EYAKULO LYAWO

Omupresidende gwaZimbabwe, omusita Caana Banana, okwa holola ebandulo lye enene mowe-kwatho ndyoka lya ningwa kAakwaluther, ye li ningile Aazimbabwe miilongo nomomavi gi ili nogi ili muAfrika lyoOkulukadhi. "Tse itatu ka dhimbwanande ekwatho ndyoka mwa kwatha nalyo aantu yetu," osho presidende Banana a tumbula manga ya li moonkundathana naakalelipo yOngongahangano yAakwaluther yomombelewa yokuNew York, aandohotola mu-teologi yo aasita Edward May naPaul Wee, iilyo mokakomitiye okakalelipo kOngongahangano yAakwaluther, (LWM) kuAmerika.

Omupresidende okwa tsikile ta ti evi ndika opo lya manguluka olya taalela omaupyakadhi oge-ndji konima yiita iile niidhigu. Epulo enene olyo uupyakadhi wetegameno enene maantu, sho taa dhiladhila onkalo ngiika otayi vulu okushuna ko muule wethimbo efupi - itashi vulika. Okwa tsikile ta ti kutya ethimbo ndika lyongashingeyi lyetangu-luko olya simana, oshoka olyo tali utha onakuyiwa yaZimbabwe.

Presidende Banana okwa holola ebandulo lye kuAmerika sho kwa li a dhiginine ondjindikila ye yiipindi kuRhodesia, ihe okwa gandja ekwatho lyopapolotika pethimbo lyoonkundathana dhokuLancaster House. Okwa tyololokithwa wo kuAmerika sho inaa vula nando okutsakanitha omauvaneko ge gokukwatha Zimbabwe paimaliwa.

Okwa lombwele Dr. Wee naMay kutya evi lyawo opo lya zi miita oli na oshindji shi na okutungululwa. Okwa pandula sho Ongongahangano yAakwaluther (LWF/CWS) ya tokola nale nokuli okugandja ekwatho lyoomilyona dhOshiamerika omayuvi gatatu netata (US/3.5), omo-lwokweegululitha oosikola, okutungulula oondungu nomithima dhomeya moshitopolwa shokuumbugantu waZimbabwe.

Omusamane Banana okwa tsikile koochapu dhe kutya eithano lyopakritise olya kwatelela mo euvitho netungo lyomuntu azuhe. Sho a li ta ti sha kekwathathano pokati kuukriste nu marxisme, presidende Banana okwa ti kutya aakriste yokuuningini-ni (Western Christians) oye na okukala ye na ehala lyokwiilonga nokudhimbulula oshikalimo

shuumarxisme shika itashi ti okweetha omakankameno (fundamental Commitment) gevaangeli. Shika osha kwatelela mo ondhimbululo yekondjithathano lyopalikolo mokati koongundu dhi ili nodhi ili nompumbwe yotutunga onkalathano ombwanawa mokati kaakwashigwana, opo aantu ayehe ya vule okukala ye na oshitopolwa meliko lyoshilongo.

Okwa holola nomuthindo kutya okwi inekela aatiligane otaa ka tsikila okukala muZimbabwe noku li tala kutya olyo evi lyawo-ela. Okwa ti wo atuhe ongaakriste otwi ithanenwa okudhimi-na po aatondi yetu nokutaamba-thana nayo muukumwe mbaka.

Omusamane Paul Wee ota hokolola omupresidende gwaZimbabwe kutya: "Oye omupangeli ngoka pakutala ta opalele nota vulu okuholola pashita omadhiladhilo nomaiuvo ge miitya nomewi lyu uvitike, lya yela nolyuukuume." Aakalelipo mbano, Wee naMay, oya li wo ya talele po iitopolwa oyindji yokuumbugantu waBulawayo moka mwa kala unene Aakwaluther oye-ndji. Omusamane Wee ota hokolola natango: "Pomisioni yAakwaluther puMasase nupuShegato otwa mono omakulukuma goosikola, goongeleka nogiipangelo yAakwaluther. Otwa tala wo uulando wi ili nowi ili mboka wa yonagulwa po, oontopa, oodipa dhiimuna nomithima dhomeya dha yonagulwa po. Otwa li wo twa popitha aantu oyendji kombinga yiita yethimbo ele mbyoka ya etitha ekanitho lyoomwenyo odhindji nembonyagulo lyiinima. Otwe ya popitha wo kombinga yethimbo epe lyu udha etegameno nomauvaneko."

Ongongahangano yAakwaluther, oshikondo sheyakulo lyuuyuni (LWF/WS) okwa li sha gandja ekwatho mokushunitha oontauki dhaZimbabwe ngeyi:

Moshiluku shotango Aazimbabwe ya shunithwa okuza kuZambia 4,298 nooyakwawo ya shunithwa okuza kuBotswana oya li 19,805 nomoshiluku oshitiyali omwa li aantu 18,600. Ehokololo olya tsikile kutya otashi vulika natango Ongongahangano yAakwaluther yi ka kwathe epangelo lyaMozambique moshilonga shokushunitha oontauki 150,000 dhAazimbabwe dhi li natango muMozambique. (Iwi)

# Ovanyasha vaSenegal

(Da dja kepandja 1)

yovatumwa. Ohandi fimaneke ovatumwa aveshe ava hava longo moshilongo shetu, kashi na nee mbudi kutya ovOngeleka ilipi.

Mu ELOK namo otu na onakwiiwa ihafifa, shaashi ovanyasha ove udite ko oshilongatumo. Openi inapa shiivika oilonga yavo iwa. Osho nashi kale ngaho! Ohokwe yoshilongatumo oi na okukala tai kunguluka pamwe nohonde momifipa deni, ngeenge ELOK oku na okukala e na omwenyo womeitavelo, shaashi nye onye ELOK yonena noyomongula.

Omwenyo wongeleka otu monika ashike mokulonga oshilongatumo. Ngeenge ovanyasha ova fi mo mOngeleka opuwo. Uhe na mutanda ku na ngobe. Ame onda itavela kutya ongeleka ya ELOK, osho yo eengeleka dikwao moshilongo, odi udite **etumba molweni**. Apa ope na ongudu yovanyasha omayovi ava inava twila Baala eengolo. Apa ope na ovanyasha ava, nopefimbo eli loukriste tau mono oovene, efimbo lomayoka taa di mumwe nomifuva, va to kola okukala ovanyasha ovakriste, ava tava holola omwenyo wongeleka yavo.

Oita ovamati, ongulungu ovanyumbo. Etumbulo eli olashili mu ELOK. Oita yeitavelo otai luwa shili kovamati, ovanyasha va ELOK. Ngeno oshi kale ngaho alushe!

Ovanyasha, Senegal epyatumo longeleka yeni, omu na ovanyasha vahapu. Kave na omhito, yokwoongala peendjovo daKalunga ngaa-shi nye, shaashi kave fi ovakriste. Elitulemo leni moshilongatumo otali ka ninga shihapu. Onakwiiwa yovanyasha Ovaserere kombinga yexupifo otai ufwa kelitulemo leni. Onye ovatumwa va ELOK. Onye oikuti tai dulu okuumbwa kokule. Ovaserere ova hala exupifo, shidule eshi kwa li la halika kOvawambo eshi etumo la hove-la okulonga, moshilongo shetu. Onde lineekela kutya

itashi ka pula eedula 15 ile 13 ngaashi moshilongo shetu, shaashi kwinya oiimati oya hovela okumonika. Onde liineekela kutya kape na efimbo lile tu mone ovanyasha Ovaserere tava ongala pamwe novanyasha Ovawambo moshongalele shavo shokomudo.

Okotwa li kuSenegal, ashike inandi hala okumana po efimbo nokupopya olweendo letu ile eshi twa longa ko. Onda mona ashike kutya, okwa pumbiwa ovanshilonga voludi keshe. Ovahongi ile ovahakuli, ovafita ile ovaevangeliste, ovalongi vomapya ile ovatekuliumbo, nande pe na omukundu womalaka. Onde lineekela ohatu dulu okutuma ko ovamati noukadona. Ava itava dulu oku ya ko molwomukundu womalaka otava kala noshisho sheilikano eli tali dulika komwiitaveli keshe. Kalunga ketu iha pumbwa omutoloki!

Efimbo ola pwa po. Otu neni okulonga meendelelo pamwe hatu hangika ngaho twa ongelela Kalunga ketu omhaona yOvaserere.

**A.I.Nghifikwa**

## TAAMBA MO

Oshini po oshihwepo?

Okulya tango ngoye u se ondjala, nenge okusa ondjala tango ngoye u lye konima?

Aamati, oshihwepo shiipi po? Okupa uukadhona owindji, ngaashi tashi vulika, omala ngoye u wu fute nuunona tau valwa u hepe, nenge okuhokana tango kamwe ngoye u ka pe epunda nawa?

Aakadhona, oto kutha po shupi? Okupewa okanona komumati kehe ta koloka, ngoye waa nokanwe, nenge okutegelela nuuhiginini, ngoye to pula wo oho'e komumati (mpo tashi vulika) ngoye u nokanwe?

Aakuluntu, ne otamu ti ng'ini? Okukolwa nookuume ngoye waa sile egumbo lcyoye oshimpwiyu nokuhenga po omuholike gwoye, nenge okweetha po ookuume oonkolwi nokukolwa, ngoye u kale negumbo lyombili?

Kwaayehe, oshini po oshihwepo? Okulopota omushiinda omolwii-maliwa ngame ndi se, nenge okukala nomwenyo ngame ndaa mone imaliwa mokulya ko yakwetu?

Oto kutha po okwaaitaala ngashingeyi ngoye u ka kane, nenge okwiitaala nokuhepa, ngoye u ka hupithwe? Ondi wete kutya, osho opala okwiilonga okuhepa miinima oyindji, manga inaatu ilonga okulya uutoye wayo.

Oluhodhi lweni otalu ka shituka enyanyu, ... muuyuni omu li mo mu na uudhigu, ihe ikoleleni, ongame nda sinda uuyuni. Indileni e tamu pewa .... (Johannes 16:20, 33(b),24(b)).

**S.V.V.Nambala**

## ELOMBWELO-INDILO

Omatumbulo ngoka oga longekidhwa kongundu yoomeme megongalo Onawa noye ga tumine kOmukwetu neindilo ga holoke ngaashi ge li.

A. Elombwelo komumbisofigwetu osheeli shatate nameme Dumeni

B. E'ndilo nelombwelo ku ELOK ayihe panzapo ndjo 2 Mos.17:11-12.

Shiveli, Ongeleka oyo ndjo. Tala,

ELOK ayihé oye ku lyaamena koshipala.

Omumati watate nameme, diinira ELOK.

Outa owe u pewa nale, yelufa omaako pombada.

Ove ELOK kala wa kotoka.

Toratela omaako aDumeni a yelula, ama kombinga nombinga, oyo omaako kaa loloke. 2 Mos.17:11-12.

Omaako naa kale a kola liyo etango tali ningine.

Mumati wa ELOK, diinina, diinina Ongeleka.

Ino findwa kowii, finda owii okouwa.

## HABELGAARN A

### HULITHA

LANDSDOWNE, S.Africa- Omumbisofu August William Habelgaarn (60), gwongeleka ya-Moravia, ndjoka yi na iilyo 84,000, okwa hulithile oondjenda meti 31 Mai nuumvo, sho a kwatwa kuuvu womutima.

Omumbisofu Habelgaarn okwa li oshilyo mOkakomitiye okapitithi kOngongahangano yaAakwaluther nokwa li ishewe ependa mOraata yoongeleka dhomu-South Africa, moka a kala omupresidende pomimvo 1971-1974.

Mongeleka yaandjawa, Moravia, omumbisofu nguka okwa li mo omupresidende gwoshigongingeleka shopaigwana (International Moravian Synod 1974) nokwa li oshilyo muungundulongekidho wi ili nowi ili. Pethimbo ndika okwa adhika omupresidende gwa FELKSA nogwa LWF National Committee.

Momumvo 1935 omo a mona odiploma yuulongi moskola Rhenish Training Teachers College. Konima okwa kala omulongi mu-Cape Education Department, uule woomvula 10. Momvula 1941 Hamelgaarn okwa mono ishewe onzapo mUuteologi konima yoomvula 4 moskola Moravian Theological Training.

"Okwa kala omuwiliki a simana mongeleka ye, mu FELKSA nomoraata yoongeleka dhaSouth Africa, osho tuu mOngongahangano yaakwaLuther, unene okuza kOshigongi shokuDar-es-Salaam, sha LWF," osho dr. Carl H.Mau Jr., e mu hokolola (lwi)

## OMUKWETU

Oye oshifo shOngeleka Onkwaevangeli paLuther yomOwambokavango.

Oha nyanyangidhwa mOshinyanyangidho shOngeleka mOntipa.

Omukuluntu gwoashife omumbisofu dr. Kleopas Dumeni.

Ondando yOmukwetu komumvo muAfrika R 2-80, kombanda yomafuta R 5-00.

Omambesitelo pamwe noondando naga tumwe kOmukwetu Ontipa, P/B. 2013

Ondangwa 9000

EV. LUTH. OWAMBOKAVANGO CHURCH PRESS ONIIPA P/BAG 2013 ONDANGWA 9000